

սուբիւնն է, որ ունի թարգմանչի լեզուն. մեր լեզուն չի սիրում աւել բառ ասել անդոռ, ուր առանց այդ բառի էլ միտքը պարզ, որոշ ու հսկանալի է. մեր լեզուն շարախօս չէ, նա սիրում է հակիրճ լինել. Օրինակների թիւը չարժէ բազմացնել.

ամեն էջում ընթերցողը կարող է տեսնել, Բայց թարգմանչի գլխաւոր արժանիքի առաջ այդ պակասութիւնը, որ անկասկած շար մեծ է, կորցնում է իր մեծութեան մի մասը:

Ն. Աղաւանդ

Բարթէոս.— Ճանչա՞ծ սրտեր... վէպ. ա. մասն թիֆլիզ 1897
Տպարան Մելիք Շահնազ, էջ 114. գինն է 40 կ.

(ՄԻ ՆԿԱՏՈՂՈՒԹԻՒՆ)

Եթէ չենք սխալում, սա առաջին անգամն է որ Բարթէոս հանդէս է դալիս մեր գրականութեան մէջ իւր այս վէպով, առանց ի նկատի ունենալու նրա՝ մի երեք-չորս հար բանաստեղծութիւնները, որոնք այս րաբի լոյս տեսան «Տարաք»ում:

Ուշադրութեամբ կարդալով վէպը, մենք եկանք այն եզրակացութեան, որ յա խակ մտքի մի անմիտ արդարութիւն է, որ ամենին չարժէր հաւարակութեան առաջ դնել. Նպատակ չունենալով բազմակողմանի կերպով քննադատիլ այս գործը և նրա հարկաւոր պակասութիւնները ընթերցողի առաջ դնել, քանի որ յա քննադատների գործն է, մենք միայն մատնացոյց կ'անենք այն վերին աստիճանի տգեղ հանգամանքի վրայ, որով չեկաւարել է Բարթէոս, իւր այս աշխատութիւնը գրելիս: Խօսքս գրական գոյութեան մասին է, Բարթէոսի վէպը գրած է պ. Լեոն Մանուէլեանցի «Խորհակած կեանք» անուն վէպի ազդեցութեան տակ, որ սկսեց տպագրել «Մուրճում» շու ևս 1897 թիւց. տեղ տեղ նույն իսկ ամբողջ գլուխներ նման են և երբեմն էլ բառացի արտագրած:

Բերենք մի քանի օրինակներ.

1) ... Օր. Աշխէնի տարեդարձի օրն էր. Զառիկեանները վճռել էին այս անգամ մեծ շուքով կատարել այդ տօնախմբութիւնը.

«Պորտակ. կեանք» «Մուրճ» 1897 թ. էջ 431.

... Օր. Հեղինէի տարեդարձի օրն էր. Դերձիկեանները ոչինչ չէին խնայել տօնախմբութեան մեծ շուք տալու համար...

«Ճանչա՞ծ սրտեր» էջ 56.

2) ... Տիկին Զառիկեանը վեր էր կացել առաւօտեան կանուխ և թեւերը կշտած՝ հաւաքում էր սենեակները.

«Պորտակ. կեանք» «Մուրճ» էջ 432

...Տիկին՝ Նադալիա Գերենիկեանը վաղ առաւօտից սկսել էր զար-
շարել Դահլիճը:

«Տանջւած սրտեր» էջ 56.

3)... Դահլիճի պարկէտը աչն ասորիճան իստակած մոմած էր, որ նա
փալլում էր նոր չկած սեղանի երեսի պէս:

«Խորտակւած կեանք», «Մուրճ» էջ 432.

...Ծառան Դահլիճի պարկէտը աչնպէս էր մոմել ու իստակել, որ նա
փալլում էր ճիշդ աչնպէս, որպէս վաղ առաւօտեան նորակէ արևի ճա-
ճանչների որակ փոքրիկ լճակի չարթ մակերևութը: «Տանջւած սրտեր» էջ 56.

4)... Երեկոյեան, մութը ընկնելուն պէս, Զառկեանների տունը լու-
սաւորեց: «Խորտ. կեանք. Մուրճ» էջ 432.

...Երեկոյեան Դեռ մութը չընկած, Գերձիկեանների տունը կարծես
հրդեհը բռնկեց... «Տանջւած սրտեր» էջ 57.

5)... Եւ լուսոյ ճառագայթները խաղում էին բազի մէջ բարձրացած
Ֆրիլու ակադիանների կադարների վրայ:

«Խորտակ. կեանք» «Մուրճ» էջ 433.

...Լուսոյ ճառագայթները, որպէս շիկացած կապարեալ խուրճ, Դուրս
էին ցոլացել պատուհաններից և խաղում էին պարտիզի մէջ բարձրացած
հասակների կադարների վրայ... «Տանջւած սրտեր» էջ 57.

6)... Դահլիճի լուսաւորութիւնը աչնքան առաւ էր, որ հեռւից ճշ-
մարում էին աչնտել ջահը, կանդելաբրը և երթևեկող անձանց Դէմքերը
պրոֆիլ և en face.

«Խորտակ. կեանք» «Մուրճ» 433.

...Առաջ լուսաւորութիւնը միջոց էր տալիս հեռւից նայողին, տես-
նել Դահլիճի մէջ ջահերը իւր զարդարանքներով, կանդելաբրը և երթևե-
կող անձանց Դէմքերը պրոֆիլ և en fau.

Ինչպէս տեսնում է ընթերցողը, պ. Բարթէոս աչնքան անշնորհ է
եղել, որ նոյն իսկ չի կարողացել լաւ արտագրել. փոխանակ en face-ի,
Դրել է en fau.

7)... Աչնտեղ Դիւանի բարձին կոնակը լենած թեք էր ընկել Ազա-
րեանը. «Խորտակ. կեանք» «Մուրճ» էջ 433.

...Վարսամեանը Դիւանի բարձին կոնակը լենած թեք էր ընկել և
խորասուզել իւր սովորական մտածմունքների մէջ:

«Տանջւած սրտեր» էջ 57.

8)... Օր. Ալիսէնը իւր կրեմի գոն շրջազգեստը ֆրիւացներով՝ վա-
զելագ չդապում էր:

«Խորտ. կեանք. Մուրճ» էջ 433.

...Օր. Հե. ինէն կրեմագոյն շրջազգեստը ֆրիւացներով անցուղարձ
էր անում: «Տանջւած սրտեր...» էջ 57.

9) ...Իսկոյն, ուրախութեամբ,— ասաց Գարեգինը, կոկորդը մաքրեց և ախորժալուր բասով սկսեց... Օր. Վարժումեանը հիացած և ակնապիշ նայում էր երգչի երեսին:

«Խորրո. կեանք. Մուրճ» էջ 443.

...Իսկոյն, ուրախութեամբ,— ասաց Արտաշէսը և նրա ձախը որոտաց. Հիւրերը զարմացան նրա ուժեղ, բաց ախորժալուր ձախի վրա: Օր. Հեղինէն հիացած և ակնապիշ նայում էր երգչի աչքերին: «Տանջած սրտեր» էջ 56.

10) ...Շուրով հիւրերը նստեցին ընթրիքի: Դահլիճի երկարութեամբ մի պարից մինչև միւս պարը բաց էին արած սեղաններ՝ ծանրաբեռնուած գինու շիշերով, բազմատեսակ ուտելիքներով. «Խորրոակ. կեանք. Մուրճ» էջ 440.

...Շուրով հիւրերը նստեցին ընթրիքի: Դահլիճի ամբողջ երկարութեամբ բաց էին արած սեղանները, ծանրաբեռնուած գինու շիշերով և բազմատեսակ խորտիկներով: «Տանջ. սրտեր» էջ 59:

11) ...Սեռմեանը մօտեցաւ և խմեց նրա հեղ քրուշերչափո.

«Խորրոակ. կեանք. Մուրճ» էջ 444.

...Շարտերը խմեցին նրա հեղ քրուշերչափո.

«Տանջած սրտեր» էջ 60.

12) ...Ինչ արդիւսր է աչն ղերասանը, որ չը գիտէ իլլիզիոն, պարտանք առաջ բերել? Նոյնպէս և բանաստեղծութիւնը. եթէ նա անզօր է չափշրակելու մեր հոգին մինչ աչն աստիճան, որ մենք ամեն ինչ մոռանանք և մի վարկեան ապրենք նրա գործած տպաւորութեամբ... «Խոր. կեանք» Մուրճ էջ 427.

...Վարսամեանը արդիւսրի հմտութեամբ աչք պահուն առաջ բերաւ երկրորդ երգով իլլիզիոն, պարտանք և բանաստեղծի ճարպկութեամբ չափշրակեց հիւրերի սիրտն ու հոգին մինչ աչն աստիճան, որ նրանք մոռացան ամեն ինչ և մի շարք ըողպէներ ապրեցին Վարսամեանի գործած տպաւորութեամբ... «Տանջած սրտեր» էջ 60.

13) ...Դաշնամուրի առջև կանգնած՝ բոլոր ժամանակ զմայլած հետևում էր նա օրիորդի երկալն սպիտակ մատներին, որոնք արագութեամբ եր ու առաջ էին վազում ստեղանունքի վրա: «Խորրո. կեանք» Մուրճ էջ 438.

...Հեղինէն իսկոյն նստելով դաշնամուրի առջև սկսեց իւր բարակ երկար մատները եր ու առաջ վազեցնել ստեղանունքի վրա: «Տանջած սրտեր» էջ 62.

14) ...Օր. Վարժումեանը հրապուրւած խօսում էր իր սիրած կոմպոզիտորներից և օպերաներից: «Խորրո. կեանք» Մուրճ էջ 438.

...Նա նւագում էր իր սիրած կոմպոզիտորներից և օպերաներից: «Տանջած սրտեր» էջ 62.

Կարծում ենք, աւքանս էլ բաւական է, ցոյց տալու համար որ Բարթէոսի վէպը գոյութիւնների մի քառս է, մի խառնչփոթ ժողովածու քաղած ալտրերից ու ալտրերից, Բաց անելով ալս գոյութիւնը, մեր նպատակը ոչ ալ ինչ է, եթէ ոչ ցոյց տալ գրեւոր տեղնով բռնւած մանր գրողների խեղճութեան մի ապացոյց...

Մ. ԵՍԱՅԵԱՆ